



Kela<sup>®</sup>

# Mätt'tõõdi da veä'rġġõõlgtõsnee'kĳ tuärjjõõzz

Vuä'nkânji da čiõlggsânji | 2024

Opiskelijan ja asevelvollisen tuet | Koltansaame

# Siiskõs

Kela tuärjjõõzz mätt'tõõđjid da veä'rġġõõlgtõsnii'ĳķid	3
Mätt'tõõđi tuärjjõõzz	4
Mätt-teä'ġġ	12
Jälstemtuärjjõs da jälstemlââ'ss	16
Mätläinn	18
Mä'htt puätti vaakte mätt-tuärjjõ'sse?	22
Tuärjjõs škooulmaa'tķid da porrmõõžžid	24
Õllškooulmätt'tõõtti tiõrvâsvuõthâiddmähss	30
Vuõrâsoummiškooultemtuärjjõs	32
Tuärjjõõzz veä'rġġõõlgtõsnii'ĳķid	34
Ooccmõš da mähssmõš	37
Näai't Kela kääzzkâstt	39

# Kela tuärjjõõzz mätt'tõõđjid da veä'rġġõõlgtõsnii'ĳķid

Tän brosyyrâst čiołgtet, måkam tuärjjõõzzid vuaitak vuäžžad Kelast, jõs mätt'tõõđak le'be leäk armeijast le'be siviilkääzzkõõzzâst.

Brosyyr looppâst kaaunak teâđaid tõ'st. mä'htt vuaitak ooccâd tuärjjõõzzid.

Brosyyr teâđat lookkâmee'jj 2024–2025 vue'jjest. Mie'ldd jie leäkku puk tuärjjõõzzi tää'rkes teâđ.



## Lââ'ssteâđ nee'ttest da te'lfoonâst

Kela tuärjjõõzzi pirr teâđtet nuõrttsää'mķiõ'lle adrõõzzâst  
**[www.kela.fi/nuorttsaamkioll](http://www.kela.fi/nuorttsaamkioll)**

Mätt'tõõđi da veä'rġġõõlgtõsnee'ĳķ tuärjjõõzzi pirr teâđtet tää'rķben Kela lää'ddķiõllsaž seeidain  
**[www.kela.fi/opiskelijat](http://www.kela.fi/opiskelijat)**  
**[www.kela.fi/asevelliset](http://www.kela.fi/asevelliset)**



Jõs tu'st lie kõõčcmõõžž, vuaitak soi'ttjed kääzzkâ'stemnâamra  
**020 692 209**

# Mätt'tõõdi tuärjjõõzz

Kela vuäitt miõttâd mätt'tõõttja mätt-tuärjjõõzz.

Mätt-tuärjjõ'sse ko'lle

- mätt-teä'ğğ
- mätt-tie'ğğ huõlteeipâäjõs
- mätt-tie'ğğ mättmateriaal-lââ'ss
- mätlläin riikktä'kkõs
- jälstemlââ'ss.

Vuäitak vuäžžad mättjemtuärjjõõzz jälstemlââ'zz tâ'lķ, jõs mätt'tõõđak ouddmiärkkân meermättškooulâst le'be ålggânmin.

Jõs mätt'tõõđak da jälstak Lää'ddjânnmest, vuäitak takainalla vuäžžad jälstemtuärjjõõzz.

Jee'res Kela mä'hssem tuärjjõõzz mätt'tõõttja lie ouddmiärkkân

- škooulmä'tķķtuärjjõs
- mätlläinnpue'rõs
- porrmõštuärjjõs.



Kelast lie määng tuärjjõõzz, koid mätt'tõõtti vuäi'tte vuäžžeed. Takai tuärjjõõzz lie mätt-teä'ğğ, mätlläin riikktä'kkõs da jälstummuž tuärjjõõzz.

## Ķii vuäžž mätt-tuärjjöõzz?

Vuäitak oocçad mätt-tuärjjöõzz,  
gu alttääk määttaid vuâđđskooul mângŋa.

Vuäitak vuäžžad mätt-tuärjjöõzz, jös mätt'tööđak

- lookkjiškooulâst
- ämmtallaš mättstroi'ttlest
- öllškooulâst
- meermättškooulâst.

Vuäitak vuäžžad mätt-tuärjjöõzz še vuâđđskoou'le,  
jös spraavak tu'tkkös-škooultõ'sse valmštõ'tti škooultöõzz  
le'be vuõrásoummui vuâđđmätt'töõzz.

Vuõráslookkjiškooulunii'kkkin mätt-tuärjjöõzz vuäi'tte  
vuäžžad tâ'lk tõk, koin lij vuõiggadvuõtt mäauste'mes  
škooultõ'sse le'be kook sprää've õhttuumtu'tkköõzz.  
Õhttuumtu'tkkös miärkkšââvv,  
što spraavak seämma ääi'j ämmtallaš vuâđđtu'tkköõzz  
da lookkjiškooul.

Jiijjad puätti da kuä'ss-ne puärrsi puätti še  
vuäi'tte vaikted mätt-tuärjjöõzz vuäžžma.

Jös puäđak ålggjännmin Lää'ddjännma mätt'töõttäd,  
jiõk takainalla vuei't vuäžžad mätt-tuärjjöõzz.

Jös mätt'tööđak ålggjännmin,  
vuäitak vuäžžad mätt-tuärjjöõzz Lää'ddjännmest.  
Tu'st kuuitäg ä'lğge lee'd ouddmiärkkân jälstem  
le'be piärköskkvuõđi diõtt kiiddõs cõnstöõgg  
Lää'ddjännma.



## Ķeä'st lij vuõiggadvuõtt mäauste'mes škooultõ'sse?

Tu'st lij vuõiggadvuõtt mäauste'mes škooultõ'sse,  
jös teaudak kuhtuid täid mäainaid:

- Leäk spraavâm vuâđđskooul lo'ppe  
ee'jjest 2021 le'be tön mângŋa.
- Leäk šöddâm ee'jj 2004 le'be tön mângŋa.

Puk škooultöõzz jie leäkku mäaustee'm,  
hå't teaudčik mäainaid.

Tää'rkest tuu mättstroi'ttlest,  
lij-a tuu škooultõs mäaustem.

## Ķii ij vuäžž mätt-tuärjjöõzz?

Jiõk vuei't vuäžžad mätt-tuärjjöõzz,  
jös vuäžžak ouddmiärkkân täid tuärjjöõzzid:

- reaugte'mesvuõtt-tuärjjöõzz
- puõzzålpei'vvtie'ğğ
- säursmä'ttemtie'ğğ määttääd
- jeältöõgg (ij kuõsk piärjeältöõgg)
- vuärtöõllâmluõvâsvuõttko'rvvöõzz
- mätt-tuärjjöõzz ålggjännmin
- vuõrásoummiškooultemtuärjjöõzz.

Jös vuäžžak vuõrásoummiškooultemtuärjjöõzz,  
vuäitak kuuitäg vuäžžad mätläin riikktä'kköõzz.

Jiõk vuäžž mätt-tuärjjõõzz te'l, jõs

- leäk reäuggviõkkškooultõõzzâst
- leäk mättsuäppmõš-škooultõõzzâst
- leäk veä'rgg- le'be siviilkääzzkõõzzâst.

### **Puâccjummuš**

Jõs puâccjak kõõsk määtai,  
vuäitak pää'cced puõzzâlmluammu  
da ooccâd Kelast puõzzâlmpai'vvtie'gğ.

Jõs tu'ne miõđat puõzzâlmpai'vvtie'gğ,  
Kela looppat mätt-tuärjjõõzzad automaattlânji.

### **Armeija da siviilkääzzkõs**

Jiõk vuei't vuäžžad mätt-tuärjjõõzz  
armeija le'be siviilkääzzkõõzz ääi'j.  
Jõs vuäžžak mätt-tuärjjõõzz da alttäak armeija  
le'be siviilkääzzkõõzz, i'Immet tõ'st Kelaa'je.  
Kela looppat mätt-tuärjjõõzzad.  
Vuäitak ooccâd tuärjjõõzz o'dđest,  
gu juätkak määtai.

### **Mätt-tuärjjõs lookkjiškooulnekka da ämmta mätt'tõõttja**

Kela vuäitt miõttâd mätt-tuärjjõõzz  
lookkjiškooulmäätai da ämmtallaš školto'sse.  
Vuõrâsoummilookkjiškooulâst vuäitak  
vuäžžad tuärjjõõzz tâ'lk,  
jõs tu'st lij vuõiggâdvuõtt mäauste'mes školto'sse  
le'be spraavak õhttuumtu'tkkõõzz.

Vuäitak vuäžžad tuärjjõõzz jee'res määtai še,  
ouddmiärkkân

- määtai meermättškooulâst le'be liikkeemmättškooulâst
- valmštõ'tti školto'sse, ouddmiärkkân TUVA-škooulto'sse
- vuõrâsoummi vuâđdmätt'tõ'sse.

Vuäžžak mätt-tuärjjõõzz mie'rräigas.

Lookkjiškooulmäätai tuärjjõõzz miõđat  
vuõššân kuälmad mätt'tõõttamee'jj lo'ppe.  
Ämmtallaš määtai tuärjjõõzz miõđat  
määtai veidsõsvuõđ va'stteei ääigas.

Jõs määtad juätkkje tõn mænna,  
õõlgak ooccâd tuärjjõõzz lââ'ssäigas jeä'rben.  
Jõs valmštõõvak plaanuum ääi'jben  
le'be jõõskak määtad,  
muu'st i'Immed ää'sšest Kelaa'je.

### **Mätt-tuärjjõs õllškooulmätt'tõõttja**

Vuäitak vuäžžad mätt-tuärjjõõzz, gu spraavak

- õllškooulto'tkkõõzz universitee'ttest le'be  
ämmtõllškooulâst
- ämmtõllškooulmäätai valmštõ'tti, jännmasi'rddjid  
jurddum školto'sse
- pääđärvvsää'n le'be mättobbvuõđ õllškooulto'tkkõõzz  
mænna.

Määtad veeidasvuõđast lij kiddy,  
mõõn kuu'kk vuäitak vuäžžad mätt-tuärjjõõzz.

Õõut lookkâmee'jj ääi'j mätt-tuärjjõõzz  
määu'set takainalla 9 määnpââ'jest.

Što vuäitak vuäžžad mätt-tuärjjõõzz,  
määtt â'lğge ouddned.  
Kela seu'rrai määttai ouddnummuž.

## Mõõn jiännai mätt-tuärjjõõzz vuäžž?

Jõs tu'st jie leäkku päärna,  
vuäitak vuäžžad mätt-tie'ğğ da mättläin  
jäänmõsân nu't 1 129 eu'rred määnpââ'jest.  
Tän suummâst nu't 279 eu'rred lie mätt-tie'ğğ  
da 850 eu'rred lie mättläin.  
Jõs tu'st lie päärna,  
vuäitak vuäžžad mätt-teägga pâäjõõzz.

Lââ'ssen vuäitak vuäžžad takai jälstemtuärjjõõzz.

Vuäitak ärvvtõõllâd Kela ne'ttseeidai la'skķeem-mašina  
veäkka, mâ'mmet vuäžžak mätt'tõõtti tuärjjõõzzid  
[www.kela.fi/laskurit](http://www.kela.fi/laskurit) (läädas)

Vuäžžak täärķab teädaid mätt-tie'ğğgest, jälstummuž  
tuärjjõõzzin da mättläinast tän brosyur pue'tti seeidain.



Vuäitak vuäžžad mätt-tuärjjõõzz  
jäänmõsân nu't 1 129 eu'rred  
määnpââ'jest.  
Summ âänn se'st mätt-tie'ğğ  
da mättläin.

# Mätt-teä'ğğ

Jõs leäk teâuddam 17 ee'kķed, vuäitak vuäžžad mätt-tie'ğğ.

Mätt-tie'ğğ meärna vaakte

- mõõn äkksaž leäk
- mä'htt jälstak
- leäk-a näittlõõttâm
- lie-a tu'st päärna.

Uu'ccmõs mätt-tie'ğğ lie 8–43 eu'rred mänpââ'jest. Vuäitak vuäžžad siõmmna mätt-tie'ğğ jõe leäk 17–19-ekksaž da jälstak puärssi ä'rnn.

Jõe tu'st jie leäkku päärna, vuäitak vuäžžad mätt-tie'ğğ jäänmõsân nu't 279 eu'rred mänpââ'jest.

Jõe leäk vuâlla 17-ekksaž, vuäitak vuäžžad

- mätt-tie'ğğ, jõe päärnažlââ'ss lij loopptum
- mätt-tie'ğğ mätmateriaal-lââ'zz, jõe määtt jie leäkku mäauste'mes škooultõõzz.

Mätt-tie'ğğest älgg mä'hssed piid.

Jiõk kuuitäg jooud mä'hssed mätt-tie'ğğstad piid, jõe tu'st jie leäkku jee'res puätti.

## Mätt-tie'ğğ huõlteeipââjõs

Jõe leäk vuâlla 18-ekksaž päärna huõlteei, mätt-teäggsad lââ'zztet huõlteeipââjõõzz. Tõt lij nu't 142 eu'rred mänpââ'jest. Kela meätt tõn automaattlânji.



Kela mähss mätt-tie'ğğ takainalla 17 ee'kķed tiuddâm mätt'tõõdjid. Jõe mätt'tõõdjest lie päärna, son vuäžž mätt-tie'ğğ lââ'ssen huõltee'jppââjõõzz.

## Mätt-tie'gğ mättmateriaal-lââ'ss

Vuaitak vuäžžad mättmateriaal-lââ'zz,  
jös täk mäain teâuddje:

- Tu'st jie leäkku päärna jiök-ga leäkku näittlööttâm
- Puärrsääd puätti lie õhttsi'žže jäänmõsân  
41 100 eu'rred ee'jjest.
- Jös jälstak puärrsad â'rnn da leäk vuâlla 20-ekksaž  
le'be jälstak jiöččinad da leäk vuâlla 18-ekksaž.

Lââ'ssen ton õõlgak spraavâd koon-ne pue'tti škooultõõzzin:

- lookjiškooul älggjänmest le'be Ålaandâst
- mätt-tuärjjõ'sse vuõiggâdvuõđ u'vddi ämmtallaš  
škooultõs
- älggjänmin le'be Ålaandâst, privaatt mättstroi'ttlest  
le'be mättstroi'ttlest,  
kää'tt ij leäkku mätt'tõsvaldâšmvuâlaž.

Mättmateriaal-lââ'zz vuäi'tte vuäžžad še 15- le'be 16-ekksa,  
hâ't sij jie vuei't vuäžžad jee'res mätt-tie'gğ.

Mättmateriaal-lââ'ss lij nu't 52 eu'rred mäanpââ'jest.

Jös vuäžžak ju'n mätt-tuärjjõõzz,  
Kela meätt tu'nne mättmateriaal-lââ'zz automaattlânji.  
Jiök â'te taarbâž oocâd tön jeârben.

Jös jiök vól vuäžž ni mõõn mätt-tie'gğ,  
leâša vuaitak vuäžžad mättmateriaal-lââ'zz,  
oo33 mätt-tuärjjõõzz mätt-tuärjjõsooccmõõžžin.

## Puärrsi puätti

Tuu puärrsi puätti vuäi'tte vaaikted tõõzz,  
vuäžžak-a mätt-tuärjjõõzz da mõõn jiânai vuäžžak tön.  
Sâjjsažpuärrsi le'be ouddmiârkkân ää'jj le'be ääkk puätti  
jie vaaikât mätt-tuärjjõ'sse.

Jös tuu puärraz lie rätkkjam,  
Kela vâldd lokku tön puärraz puättjid,  
keän â'rnn jälstak le'be keän â'rnn mäaimõsân jälstiķ.

## Õllškooulmätt'tõõtti

Jös mätt'tõõđak õllškooulâst,  
tuu puärrsi puätti jie vuei't uu'ceed tuu mätt-tie'gğ meâr  
le'be reiddad tön.

Jös tuu puärrsin lie tâ'lķ siõmmna puätti,  
tõk vuäi'tte vaaikted nu't,  
što vuäžžak jäänab mätt-tuärjjõõzz.

## Lookjiškooulâst, ämmtallaš mättstroi'ttlest le'be mättškooulâst mätt'tõõtti

Jös mätt'tõõđak lookjiškooulâst,  
ämmtallaš mättstroi'ttlest le'be meerlažškooulâst,  
tuu puärrsi puätti vuäi'tte vaaikted mätt-tuärjjõ'sse,  
jös kuäbbaž-ne aa'sšin kuâskk tuu:

- Leäk vuâlla 18-ekksaž.
- Jälstak puärrsad â'rnn.

Puärrsi puätti vuäi'tte uu'ceed  
tuu mätt-tuärjjõõzz meâr, pââ'jeed tön  
le'be reiddad mätt-tuärjjõõzz vuäžžmõõžž voo'ps.

Jös jälstak jiöččinad le'be jee'res päai'ķest gu puärrsad â'rnn,  
tuu puärrsi puätti jie uu'ced tuu mätt-tuärjjõõzz,  
pe'ce vuäi'tte tâ'lķ šuureed tön.  
Puärrsi puätti vaaikte kuuitäg tõõzz,  
vuäžžak-a mättmateriaal-lââ'zz da mättläin riikktä'ķķõõzz.

Puärrsääd puätti jie vaaikât tuu mätt-tuärjjõ'sse,  
jös mii-ne täin kuâskk tuu:

- Leäk teâuddam 18 ee'ķķed da jälstak jiöččinad.
- Leäk näittlööttâm.
- Leäk vue'llâkksaž päärna huõlteei.



# Jälstemtuärjjös da jälstemlââ'ss

Kela tuärjjad mätt'tõõđji jälstummuž määu'see'l  
takai jälstemtuärjjõõzz le'be mätt-tuärjjõõzz jälstemlââ'zz.

## Takai jälstemtuärjjös

Jös mätt'tõõđak da jälstak Lää'ddjânnmest,  
vuäitak vuäžžad takai jälstemtuärjjõõzz.  
Takai jälstemtuärjjõõzz ij vuei't ooccâd  
mätt-tuärjjõsooccmõõžžin,  
gu tön vääras lij jii'jjes ooccmõõžžâs.  
Seämma poorrâmkâdda kuulli vuäžžee jälstemtuärjjõõzz  
õõutsââ'jest.



Poorrâmkoo'ddin juu'rdet oummuid,  
kook jälste põõššjen seämma azlmest.  
Takainalla poorrâmkâ'dd lij kaallâž,  
äävkuiei'm le'be piâr.  
Õhtt oumaž še vuäitt lee'd poorrâmkâ'dd.

Takai jälstemtuärjjõõzz meärra vaaike

- mõõn jiânnai jälstummuž mähss
- koon kââ'ddest jälstempõrtt lij
- kâ'll vuõrâsoummu da pärna poorrâmkâdda ko'lle
- mõõn jjiânnai poorrâmkâdda kuulli oummu  
vuäžža puättjid.

Takai jälstemtuärjjõõzzâst puätti vaaike  
jee'resnalla gu mätt-tuärjjõõzzâst.

Vuäitak ärvvtõõllâd Kela ne'ttseeidai la'skķeem-mašina  
veäkkä, mõõn jiânnai vuäžžak takai jälstemtuärjjõõzz.

[www.kela.fi/laskurit](http://www.kela.fi/laskurit) (lääddas)

Lââ'ssteâđaid takai jälstemtuärjjõõzzâst vuäžžak  
Takai jälstemtuärjjös -brosyrrâst da Kela ne'ttseeidain:

[www.kela.fi/jalstummus](http://www.kela.fi/jalstummus)

## Mätt-tuärjjõõzz jälstemlââ'ss

Mätt-tuärjjõõzz jälstemlââ'zz vuäi'tte vuäžžad  
ålggânnmin le'be Ålaandâst mätt'tõõđi.  
Sij jälstemlââ'ss lij 210 eu'rred mänpââ'jest.

Jälstemlââ'zz vuäi'tte vuäžžad še Lää'ddjânnmest  
meermättškooulâst le'be liikkeem-mättškooulâst  
mätt'tõõđi, koi määtt lie mäausla da kook jälste  
mättstroittel aaztõõggâst.  
Jälstemlââ'ss lij nu't 89 eu'rred mänpââ'jest.

Vuäitak vuäžžad jälstemlââ'zz da jee'res mätt-tuärjjõõzz  
tâ'lk mätt'tõõttâm-mänpõõ'jin.

Jälstemlââ'zz vuäžžmest ij leäkku ââ'kķraajj.  
Puârssi puätti jie vaaike jälstemlâssa.

# Mätläinn

Gu mätt'toõđak, vuäitak vä'ldded še mättläain baąjkâst.  
Määusak läain määust, gu mäattad lie puuttâm.

Vuäitak vuäžžad mättlainnu riikktä'kkõõzz,  
jõs vuäžžak mätt-tie'ğğ  
le'be vuõrasoummiškooultemtuärjjõõzz.



Riikktä'kkõs miärkkšâäv, što Kela mähss läain määust ba'ąkkê,  
jõs jiõk jiõčč pââ'st mä'hssed tön.  
Kela kuuitäg pe'rrai läain tu'st mä'ąjłakast määust.

Ooz3 mättläain riikktä'kkõõzz Kelast.  
Vuäitak ooccâd tön seämmast, gu ooz3ak mätt-tuärjjõõzz.

Gu Kela lij miõttâm tu'ne mättläain riikktä'kkõõzz,  
vuäitak jiõčč va'lljeed,  
koon baąjkâst ooz3ak mättläain.  
Ton õõłgak jiõčč sagstõõllâd läain da tön mäainai pırr,  
mä'te koorg da määustmä'hssem pırr.

Jõs leäk 18-19-ekksaž da jälstak puärresi á'rnn,  
vuäitak vuäžžad mättläain riikktä'kkõõzz.  
Vuäžžak tä'kkõõzz, hã't-i jiõk vuäžž mätt-tie'ğğ.  
Jiõččines jälsteei vuälla 17-ekksaž vuäitt še vuäžžad  
mättläain riikktä'kkõõzz,  
jõs suu puärresin lie uu'cces puätti.

Jõs leäk vuälla 18-ee'kked,  
vuäžžak läain 400 eu'rred mäanpâ'jest.  
Taarbšak puärresi miästtmõõžž  
mättläain kaggmõ'sše.  
Jõs leäk uu'ccmõsân 18-ekksaž,  
vuäžžak mättläain 850 eu'rred mäanpâ'jest.



Vuäitak ooccâd baąjkâst mättläain,  
jõs vuäžžak mättläain le'be  
vuõrasoummiškooultemtuärjjõõzz.  
Jõs valmštõõvak mie'rrai'jest.  
Kela vuäitt mä'hssed pie'kk mättläainstad.

Jõs mätt'tõõdak ålggånmin  
vuäžžak mätläin 1 000 eu'rrer mänpâ'jest.

Mie'rräk jiočč, kaagak-a lään  
da mõõn jianai lään kaagak õhttân vuâra.

Mätläin koorgid lâ'zztet läinnsu'mme  
tõn ääi'j, gu vuäžžak mätt-tuärjjõõzz.  
Gu jioč teänab vuäžž mätt-tuärjjõõzz,  
vuäžžak baņkâst laask koorgi da lään mä'hssem diõtt.

## Mätläinpue'rõs

Kela vuäitt mä'hssed vue'zz mätläinstad,  
jõs čõõđtak õllskooultu'tkkõõzz mie'rräi'jest.  
Tõn kääčcat mätläinpue'rõssân.

Mätläinpue'rõs lij 40 prosee'nt tõn mätläin meä'rest,  
kää'tt mâänn pâ'jjet 2 500 eeu'rest.  
Mätläinpue'rõõzzâst lij jäänmõsmie'rr.  
Jäänmõsmie'rr lij kidd tõ'st,  
mõõn veiddsõs tu'tkkõõzz leäk čõõđtam.

Vuäitak vuäžžad mätläinpue'rõõzz,  
jõs puk täk mäin teauddje:

- Leäk alttääm vuõssmõs õllskooulmäättääd 1.8.2014  
le'be tõn mænna.
- Čõõđtak tu'tkkõõzz mie'rräi'jest.
- Tu'st lij mätläin pâ'jjet 2 500 eu'rrer.

Jõs jioč čõõđat tu'tkkõõzz mie'rräi'jest,  
vuäitak kuuitäg vuäžžad mätläinpue'rõõzz,  
jõs tuu mäitt lie njuässam primmsallaš mäin diõtt.

Primmsallaš mäinn lij ouddmiärkkân puäccjummuš,  
leša tä'lk jõs leäk vuäžžam puõzzålpeiv'vvtie'ğğ.  
Primmsallaš mäinn lij še ouddmiärkkân päarna vuäžžmõš,  
leša tä'lk jõs leäk vuäžžam puärrsipeiv'vvtie'ğğ.

Takainalla mätläinpue'rõõzz ij taarbâž oocčad.  
Kela vuõltad tõ'st tu'nne tu'mmstõõgg,  
gu leäk valmstõõvâm õllskooulast.

Mätläinpue'rõõzz fe'rttai kuuitäg oocčad,  
jõs haa'lääk vuäžžad tõn universite'ttest čõõđtum  
vue'llgab õllskooultu'tkkõõzz mænna.

Jõs leäk čõõđtam tu'tkkõõzz  
ålggånnam õllskooulast, i'Immet tõ'st Kelaa'je.

## Korggveä'kkvuõtt

Jõs leäk jõskkâm määttääd  
da tuu puätti lie occka da tu'st lij mätläin,  
vuäitak oocčad Kelast korggveä'kkvuõđ.  
Te'l Kela mähss mätläinad koorgid.  
Tu'st ij taarbâž mä'hssed tõid Kelaa'je määust.

# Mä'htt puätti vaaikte mätt-tuärjjõ'sse

Tu'st vuäžža lee'd puätti seämmast, gu kaaggak mätt-tuärjjõõzz. Puättjid lij kuuitâg raajj, koon kääčcat ee'kkpuãdraajân. Jõs vuäžžak ee'jj se'st jäänab puättjid, puätti vuäi'tte vaaikted mätt-tuärjjõõzz meärra.

## Ee'kkpuãdraaj ee'jjest 2024

Tuärjjõsmäänpää'j ka'Indaree'jj ääi'j	Ee'kkpuãdraajj, eu'rred/ka'Indaree'kk
1	35 360
2	33 280
3	31 200
4	29 120
5	27 040
6	24 960
7	22 880
8	20 800
9	18 720
10	16 640
11	14 560
12	12 480

Vuäitak vuäžžad puättjid kuä'ss täättas ka'Indaree'jj ääi'j. Mätt-tuärjjõõzz da jälstemtuärjjõõzz jeä't la'skked puättjen. Kela ölmstätt ee'jj 2025 puãdraajid addrõõzzâst

[www.kela.fi/opintotuki-omat-tulot](http://www.kela.fi/opintotuki-omat-tulot) (läädas)

Jõs alttääk määttaid le'be valmštõõvak kõõsk ee'jj, vuäitak vuäžžad rajjtõõzztaa puättjid õu'ddel määttaad älggmõõžž da valmštõõvvâm mângna. Kiiõčč puãdraajid kuuitâg mättmäänpõõ'ji ääi'j. Ää'n huõl tõ'st, što tu'st lie puätti mätt'tõõttâmääi'j jäänmõsân 1 040 eu'rred määnpää'jest tuärjjõsmäänpää'j õõl da 3 120 eu'rred määnpää'jest tuärjjõõzzte'mes määnpää'j õõl.

Kela vuäitt raukkâd tuu se'lvted, kuä'ss leäk vuäžžam puättjääd.

Jõs jõõskak määttaad kõõsk ee'jj, tõn mângna puättjääd vää'ldet lokku tiudd ee'jjest.

## Jõs puätti mâ'nne pâ'jjel ee'kkpuãdraaj

Tu'st fe'rttai jiõčč ää'nned huõl tõ'st, što puätti jie mõõn pâ'jjel ee'kkpuãdraaj. Jõs tõk mâ'nne pâ'jjel, Kela pe'rrai määust leigga mahssum mätt-tuärjjõõzz. Kela lâä'zzat su'mme, koon pe'rret, 7,5 prosee'nt pâäjõõzz.

Jõs vuâmmšak, što vuäžžak puättjid pâ'jjel ee'kkpuãdraaj, vuäitak tuejjeed nääi't:

- Oozg mätt-tuärjjõõzz tä'lkk vuässa mätt'tõõttâm-määnpõõ'jin.
- l'Immet Kelaa'je, što jiõk vää'ld mätt-tuärjjõõzz tuu va'lljeem määnpõõ'jin.
- Maaccât mätt-tuärjjõõzz tuu va'lljeem määnpõõ'jin Kelaa'je.

Maaccât pâ'jjelmeärrsaž mätt-tuärjjõõzzid pue'tti ee'jj njuhččmannu loopp räjjä mõõnee'st.

# Tuärjjõs škooulmaa'tkid da pormõõžid

## Škooulmä'tkktuärjjõs

Škooulmä'tkktuärjjõõzäst lie jee'res mäain mätt'tõõđjid, koin lij vuõiggâdvuõtt mäauste'mes škooultõ'sse, da jeärrsid mätt'tõõđjid.

## Škooulmä'tkktuärjjõs mätt'tõõttja, Ķeä'st lij vuõiggâdvuõtt mäauste'mes škooultõ'sse

Vuäitak vuäžžad tuärjjõõz škooulmaa'tkääd, jõs spraavak ouddmiärkkân

- lookkjiškooulmäättaid le'be vuõrâsoummilookkjiškooulmäättaid
- ämmtallaš vuâđđtu'tkkoõzz
- ämmat-tu'tkkoõzz
- valmštõ'tti škooultõõz, ouddmiärkkân TUVÄ-škooultõõz
- mätttõõlgtum oummid jurddum luõvâs čuõvtemtuäj škooultõõz.



## Ķeä'st lij vuõiggâdvuõtt mäauste'mes škooultõ'sse?

Tu'st lij vuõiggâdvuõtt mäauste'mes škooultõ'sse, jõs teâudak kuhtuid täid mäainaid:

- Ķiõrgtak vuâđđškooul ee'jj 2021 le'be tõn mângja
- Leäk šõddâm ee'jj 2004 le'be tõn mângja.

Vuäitak vuäžžad tuärjjõõz, jõs tuu škooulmä'tkkt lij õõt arra uu'ccmõsân 7 Ķilometred.



Pie'kk mätt'tõõđjin vuäitt vuäžžad Kelast tuärjjõõz škooulmaa'tkid.

Jõs tu'st lie uu'ccmõsân 15 mä'tkkpei'vved  
ka'ndarmäänpââ'jest,  
vuäitak vuäžžad tiuddmeärrsaž škooulmä'tkktuärjjõõzz.  
Jõs tu'st lie 10–14 mä'tkkpei'vved ka'ndarmäänpââ'jest,  
vuäitak vuäžžad škooulmä'tkktuärjjõõzz,  
leša tuärjjõõzz mie'rr lij pie'll tiuddmeärrsaž tuärjjõõzzâst.

Jõs âanak tuu škooulmää'tkest õõlmâs jäattlõõgg  
le'be škoouljää'dtummuž,  
jiõk takainalla määu's maa'tkinad ni voo'ps.

### **Škooulmä'tkktuärjjõs mätt'tõöttja, keä'st ij leäku vuõiggädvuõtt mäauste'mes škooultõ'sse**

Vuäitak vuäžžad tuärjjõõzz škooulmää'tkääd,  
jõs spraavak ouddmiärkkân

- lookkjiškooulmäättaid
- ämmtallaš vuädđtu'tkkõõzz
- valmštõ'tti škooultõõzz,  
ouddmiärkkân TUVA-škooultõõzz.

Vuäitak vuäžžad tuärjjõõzz,  
jõs tuu škooulmä'tkk õõut ärra lij uu'ccmõsân  
10 kilometred.

Jõs tu'st lie škooulmää'tk uu'ccmõsân  
15 pei'vven ka'ndarmäänpââ'jest,  
vuäitak vuäžžad tiuddškooulmä'tkktuärjjõõzz.  
Jõs tu'st lie škooulmää'tk  
10–14 pei'vven ka'ndarmäänpââ'jest,  
vuäitak vuäžžad peä'l tiuddškooulmä'tkktuärjjõõzzâst.

Što vuäitak vuäžžad tiuddmeärrsaž tuärjjõõzz,  
mäinnan lij mä'tkkpei'vi meä'r lââ'ssen,  
što tuu määt'k mä'hsse pä'jjel 54 eu'rred määnpââ'jest.  
Te'l mäausak takainalla maa'tkin jiõčč 43 eu'rred  
määnpââ'jest.

Što vuäitak vuäžžad peä'l tiuddmeärrsaž tuärjjõõzzâst,  
mäinnan lij mä'tkkpei'vi meä'r lââ'ssen,  
što tuu määt'k mä'hsse pä'jjel 27 eu'rred määnpââ'jest.  
Te'l mäausak takainalla maa'tkin jiõčč 21,50 eu'rred  
määnpââ'jest.

Vuäitak vuäžžad škooulmä'tkktuärjjõõzz,  
hå't-i tuu määt'k mä'hsse oo'ccab,  
jõs âanak koidne täin:

- Waltti-jäättlõk, kää'tt täimmai määngast gäärdest
- He'lsen vuu'd jäättlõk HSL
- Tampere vuu'd jäättlõk Nysse
- Turku vuu'd jäättlõk Föli
- škoouljää'dtõs
- jiõčč järjstum jää'ttemnä'll.

Vuäžžak lââ'ssteädaid Waltti-jäättlõõggäst adrõõzzâst  
**waltti.fi** (läädas)

Škoouljää'dtummuš miärkkšâäv,  
što mättstrooi'tel le'be käd  
jäärjast tu'nne škoouljää'dtummuž  
le'be vuästt tu'nne mä'tkkliippid škooulmätka.  
Vuäžžak Lââ'ssteädaid škoouljää'dtummušin mättstroittlest.

Jõs tuu âânemest ij leäkku õõlmäs jäätlõk  
le'be škooljää'dtummuš,  
vuäitak jää'tted škou'le tuu jiõčč va'lljeem naa'lin,  
ouddmiärkkân jiijjad aautin le'be puärraz mie'ldd.

### Škoolmä'tkktuärjjõõzz ooccmõš

Oo33 škoolmä'tkktuärjjõõzz MuuKelast:

[www.kela.fi/neettest](http://www.kela.fi/neettest)

Huõlteejad vuäitt ooccäd tuärjjõõzz MuuKelast peä'lstad.

Kela mähss tuärjjõõzz jää'ttemnäälad mie'ldd  
vuõ'i'ggest lippkaaupšeeja, mättstro'i'ttla le'be tu'nne.

Tu'st fe'rttai jee'rab ooccäd škoolmä'tkktuärjjõõzz  
juõ'kk lookkâmee'jj


### Pormõštuärjjõs

Jõs mätt'tõõdak õllškooulâst,  
vuäitak vuäžžad vuälõõzz pormõõžžin restraantâst,  
kook lie mie'ldd pormõštuärjjõõzzâst.

Mäausak pormõõžžâst oo'ccab,  
gu čuä'jtak mätt'tõõttikoort le'be  
Kela pormõštuärjjõskoort.

Porrâmpäai'k, kook lie mie'ldd pormõštuärjjõõzzâst:

[www.kela.fi/opiskelijaravintolat](http://www.kela.fi/opiskelijaravintolat) (läädas)



Õllškooulnee'kk vuäi'tte  
vuäžžad vuälõõzz  
mätt'tõõttirestraantin.

# Õllskooulmätt'tõõtti tiõrvâsvuõthâiddmähss

Ämmatõllskoouli da universitee'tti mätt'tõõðjin fe'rttai mä'hssed tiõrvâsvuõthâiddmähss Kelaa'je, jõs sij spravee tu'tkkõõzz da lie i'lmmtõõttâm mie'ldd åarrjen õllskoou'le. Mähss lij nu't 37 eu'rred lookkâmpââ'jest.

Tiõrvâsvuõthâiddmääusain teäggdet Pâ'jjmätt'tõõðji tiõrvâsvuõthâiddfoond (Ylioppilaiden terveydenhoitosäätiö) le'be YTHS toi'mmjummuž. Ämmatõllskoouli da universitee'tti mätt'tõõtti vuäžža YTHS:st tiõrvâsvuõthâaid. Kela ij vuõlttâd määusast laask. Ton õõlgak jiõcc mu'stted mä'hssed tõn.

Mähss älgg mä'hssed 2 vuâra ee'jjest. Määu's kiðdlookkâmpââ'j määus mââimõõzzâst 15.3. da čõhččlookkâmpââ'j määus mââimõsân 15.11. Vuäitak mä'hssed määus nee'ttest:

[www.kela.fi/neettest](http://www.kela.fi/neettest)



Õllskooulmätt'tõõtti vuäžža tiõrvâsvuõthâaid Pâ'jjmätt'tõõðji tiõrvâsvuõthâiddfoondâst. Tõn diõtt fe'rttai mä'hssed tiõrvâsvuõthâiddmähss Kelaa'je.



# Vuõrâsoummi škooltemtuärjjõs

Jõs leäk leämmaž reâuggjie'llmest uu'ccmõsân 8 ee'kked, vuäitak vuäžžad vuõrâsoummiškooltemtuärjjõõz. Tõn meätt Työllisyysrahasto, ij Kela.

Lââ'ssteâðaid vuäžžak addrõõzzâst  
**[www.tyollisyysrahasto.fi](http://www.tyollisyysrahasto.fi)** (läädas)

Vuäitak vuäžžad vuõrâsoummiškooltemtuärjjõõz määttaid, jõs määtt ä'lğge mâaimõõzzâst 31.7.2024 da tuärjjõõz mähssmõš älgg še mâaimõõzzâst tä'l. Vuäitak vuäžžad tuärjjõõz ee'jj 2025 loopp räija. vuõrâsoummiškooltemtuärjjõõz jiõk vuei't vuäžžad, jõs määtt ä'lğge 1.8.2024 le'be tõn mâñña.

Jõs vuäžžak vuõrâsoummiškooltemtuärjjõõz uu'ccmõsân 8 neä'ttel ääi'j, Kela vuäitt miõttâd tu'nne mättläain riikktä'kkõõz. Tä'kkõs lij 650 eu'rred mäânpåâ'jest. Jõs spraaavak õllškooultu'tkkõõz da tuejjääk tõn mie'rräai'jest, Kela vuäitt mä'hssed pie'kk mättjemläainstad. Loogg lââ'zz päai'kest Mättjemläainnpue'rõs (seeid 20–21).



Jõs leäk leämmaž tuäj-jie'llmest uu'ccmõsân 8 ee'jj, vuäitak ooccâd Työllisyysrahasto vuõrâsoummiškooltemtuärjjõõz.

# Tuärjjõõzz veä'rggõõlgtõsnii'kkid

Armeija spraavmõš miärkkšââvv  
armeijaa'je le'be siviilkäzzkõ'sse mõõnmõõžž.  
Vuäžžak tä'l armeijast le'be siviilkäzzkõsvuõttpäi'kest  
siõmmna pei'vvtie'gğ.

Tõn lââ'ssen Kela vuäitt mä'hssed sääldatveä'kkvuõđ.  
Tõn vuei'tet mä'hssed armeijast le'be siviilkäzzkõõzzâst  
joo'ttja le'be suu roodnairuãđid.  
Ruãtt miärkkšââvv veä'rggõõlgtõsnee'kk pie'llkuei'm.  
Ruãtt lij še äävkuei'mm,  
ķeäin veä'rggõõlgtõsnee'kkest lij õhttsaž pärnaž.  
Lââ'ssen roodnairuãđ lie veä'rggõõlgtõsnee'kk jii'jjes  
pärna da pie'llkuei'm pärna.

Kela vuäitt mä'hssed sääldatveä'kkvuõđ še ooumže,  
kää'tt puãtt ålggjânmin Lää'ddjânma kääzzkõ'sse.

Sääldatveä'kkvuõ'tte ko'lle

- vuãđđveä'kkvuõtt
- jälstemveä'kkvuõtt
- jeä'ltemveä'kkvuõtt
- spesiaalveä'kkvuõtt.

Lââ'ssen Kela vuäitt mä'hssed mättlääin koorgid.

Sääldatveä'kkvuõđ vuäi'tte vuäžžad

- veä'rggõõlgtõsnek
- pie'llkuei'mm
- äävkuei'mm, jõs kuõi'min lij õhttsaž pärnaž
- veä'rggõõlgtõsnee'kk jii'jjes pärnaž le'be  
pie'llkuei'm pärnaž.

## Puãttji vaaiktõs sääldat teä'gğveäkk

Sääldat-teä'gğveäkk vaaikteei puãtti,  
koid ton da roodnairuãđad vuäžžve'ted kääzzkõõzz poodd.  
Kela vãldd lokku tä'l nettpuãttjid.  
Nettpuãttjin juu'rdet puãttjid, koin lie mahssum piid.  
Nettpuãtti kie'ppeet sääldat-teä'gğvie'kkest.

Puãttjid jeä't kuuitåg la'skke pei'vvtie'gğ,  
koon vuäžžak armeijast le'be siviilkäzzkõsvuõttpäi'kest.  
Lââ'ssen vuäitak teä'n'jed juõ'kk mänpââ'j  
300 eu'rred krää'ma,  
što tõt uu'ccad sääldat-teä'gğvie'kk meä'r.  
Tãn kääčcat suõjjvue'zzen.

## Vuãđđveä'kkvuõtt

Kela vuäitt mä'hssed veä'rggõõlgtõsnee'kk  
roodnairue'tte vuãđđveä'kkvuõđ.  
Vuãđđveä'kkvuõtt kãtt kuei'm da pärnai juõ'kkpeivvsaž  
koolaid, koid jee'res puãtti jie ri'jtte.  
Tõk lie ouddmiärkkãn porrmõ'sše,  
pihttsid da tiõrvãsvuõthãiddma kuulli kool.

Vuãđđveä'kkvuõđ tiudd mie'rr lij nu't  
733 eu'rred mänpââ'jest.  
Veä'kkvuõđ meärra vaaikte piãrri puãtti da pärnai mie'rr.

## Jãlstemveä'kkvuõtt

Kela vuäitt mä'hssed veä'rggõõlgtõsnee'kk da  
suu roodnairuãđ toolkvaž jälstemkoolaid.

Kela vuäitt miõttãđ jälstemveä'kkvuõđ  
veä'rggõõlgtõsnekka jiõccses tã'lķ,  
jõs son lij jälstam jiõččines 3 mänpââ'j ääi'j õu'ddel  
kääzzkõõzz.

Jõs veä'rggõõlgtõsnee'kkest lij ouddmiärkkân  
vuä'mstemaazzâlm,  
vuä'nkab jälstemäi'gğ še ri'jtta.

Jälstemkoolaid la'skķeet vuâkr, čää'ccmääusaid,  
liädggmääusaid, aazzâlmva'sttõõgg, aazzâlmlään koorgid  
di piärripõört hâiddamkoolaid.

## Jeä'ltemveä'kkvuõtt

Jõs veä'rggõõlgtõsneķ ij pââ'st mä'hssed päärnže  
jeä'ltemveä'kkõõzz,  
Kela vuäitt mä'hssed jeä'ltemveä'kkvuõđ  
arnejja le'be siviilkäazzkõõzz ääi'j.

## Spesiaalveä'kkvuõtt da mätllään koorg

Kela vuäitt mä'hssed veä'gğõõlgtõsnee'kk roodnairue'tte  
ouddmiärkkân tiõrvâsvuõtt hâiddma  
le'be päärnaihâiddma õhtnee i koolaid.  
Tän kääčcat spesiaalveä'kkvuõttân.

Kela vuäitt mä'hssed še veä'rggõõlgtõsnee'kk  
da suu roodnairuâđ mätllään koorgid.

## Jee'res veä'kkvuõđ

Jõs veä'rggõõlgtõsneķ lij e'ččluõvâsvuõđâst,  
son vuäitt vuäžžad puärrsipei'vvtie'gğid.

Jõs jiõk vuei't vuäžžad sääldatveä'kkvuõđ,  
tu'st vuäitt lee'd vuõiggâdvuõtt vuäžžad  
takai jälstemtuärjõõzz.  
Tää'rkest ää'sš Kelast.

# Ooccmõš da mähssmõš

Oo33 mättjemtuärjõõzz, takai jälstemtuärjõõzz,  
škoolmä'tkktuärjõõzz da sääldatveä'kkvuõđ nee'ttest:  
[www.kela.fi/neetest](http://www.kela.fi/neetest)

Tää'rkest ooccmõõžžâst,  
mõõk meâlddõõzz tõ'st â'lğge lee'd.  
Meâlddõõzzid še vuäitt tooi'mted nee'ttest.

Vuäitak oocčad tuärjõõzzid še lomaakkin,  
koon vuäžžak Kela konttrin da ne'ttseeidain:

[www.kela.fi/lomaakk](http://www.kela.fi/lomaakk)

Kela pãã'staddrõs lij

**Kela**

**PL 10**

**00056 KELA**

Vuäitak hâiddad miâlggâd puk aa'sšääd te'lfoonâst.

Gu Kela lij ķiõtt'tõõllâm ooccmõõžžad,  
vuäžžak tu'mmstõõgg päikksad.  
Tu'mmstõõggâst teâđtet tuärjõõzz meä'r, vuâđ  
da mä'hssempei'v.  
Vuäžžak tu'mmstõõgg te'l še,  
jõs tu'nne ij leäkku miõttum tuärjõõs.

Kela mähss tuärjõõzz tuu baņkktil õõl.  
Mätt-tuärjõõzz, takai jälstemtuärjõõzz da  
sääldatveä'kkvuõđ  
mä'hssempei'v lij määnpââ'j  
1. baņkkpei'vv.

## I'lmmet, jös vuâkkad mottai

Jös jie'llmad mottai,  
tõt vuäitt vaaikted tuu Kelast vuäžžam tuärjjöõzzid.  
Muuttâs vuäitt kuõskkâd ouddmiârkkân jälstummuž,  
puättjid, reâuggmõõžž le'be piârri.

Muu'st i'lmmted muttsin Kelaa'je.  
Vuäitak tuejjeed tön nee'ttest, te'lfoonâst le'be konttrest.

Tuu vasttöõzzâst lij peä'lstad ainsmâ'tted,  
što Kelast lie teâđ vuõ'i'ggest.  
Te'l tuärjjöõzz mäu'set tu'nne vuõigg meär.

## Jös tu'mmstöõggâst lij vâä'kk

Jös Kela tu'mmstök lij tuu miõlâst puästtad,  
vuäitak ooccâd tu'mmstö'kke muttâz.

Vuäžžak tu'mmstök-kee'rij mie'ldd vuäppöõzzid tō'st,  
mä'htt muttâz oo33ât.

Jös tu'st lie kōõčmōõžž,  
vää'ld vuõššân õhttvuõđ Kelaa'je.



## Nee'ttest vuäitak

- ooccâd tuärjjöõzzid
- vuõltteed meâlddöõzzid
- taa'rĳsted ooccmõõžžad vue'jj
- vuõltteed saaggid
- i'lmmted muttsin
- looppted tuärjjöõzz.

# Näai't Kela kääzzkâstt

## Nee'ttest

Loogg Kela tuärjjöõzzi pirr  
sää'mkiõ'lle:  
[www.kela.fi/nuorttsaamkioll](http://www.kela.fi/nuorttsaamkioll)

La'sĳke tuärjjöõzz meär:  
[www.kela.fi/laskurit](http://www.kela.fi/laskurit)

Ä'sšed nee'ttest:  
[www.kela.fi/neettest](http://www.kela.fi/neettest)

## Ĳee'rjtöõđ sizz ne'ttkääzzkõõzzid

MuuKela (OmaKela) sizz da  
äi'gĳva'rrjummsa  
âlgg kee'rjtöõttâd sizz.  
Taarbšak baŋkktiõttid  
le'be mobiilstaanõõgg.

## Veä'kk äššummša

Ougglõskääzzkõõzzâst vuäžžak  
persoonlaž vuä'pstummuž  
da ohjjummuž:  
[www.kela.fi/ouggloskaazzkos](http://www.kela.fi/ouggloskaazzkos)

Vuäitak u'vded nuu'bb ooumže  
lää'v häiddad Kela-aa'sšääd:  
[www.kela.fi/aassi-haiddmos-nuubb-oummu-pealest](http://www.kela.fi/aassi-haiddmos-nuubb-oummu-pealest)

## Kääzzkõspäi'ĳest

Taa'rĳest addröõzzid da  
äävaiäärramaai'jid:  
[www.kela.fi/konttrest](http://www.kela.fi/konttrest)

## Te'lfoonâst

**Nuõrttsää'mkiõllsaž  
te'lfonkääzzkõs**  
Äävai vu-pi čiâss 9-11.  
**020 634 4795**

Vuäitak kue'dded  
õhttvuõttvä'lddemrauĳkmõõžž  
ne'ttpää'stin:  
**saame@kela.fi**

## Jee'res kääzzkõsnâamar

Äävai vu-pi čiâss 9-16.  
Jälstummuš.....020 692 210  
Jeältöõgg.....020 692 202  
Säursmâttmõš da  
lää'mesvuõtt-  
tuärjjöõzz.....020 692 205  
Meeraikõskksa vue'jj  
(vu-pi čiâss 10-15).....020 634 0200  
**Mätt'töõttmõš da  
veä'rĳgõõlgtõs.....020 692 209**  
Pe'rrjummuš.....020 634 4940  
Puõccmõš da koort.....020 692 204  
Pi'rĳgeemtuärjjõs.....020 692 207  
Reâugte'mesvuõtt.....020 692 210  
Puärrazvuõtt.....020 692 206

Sâittmõš da vuâr vuârddmõš  
mä'hsse tuu te'lfoonõhttâm  
hä'ddliist mie'ldd.  
Loogg lâä'zz:  
[www.kela.fi/telfoonast](http://www.kela.fi/telfoonast)

# Kela nuõrttsää'mkiõ'lle

Nuõrttsää'mkiõllsa ne'ttseeid:  
[www.kela.fi/nuorttsaamkioll](http://www.kela.fi/nuorttsaamkioll)

## Nuõrttsää'mkiõllsa brosyyr:

Jeältõõgg da jee'res jeältõkvuäžžai tuärjjõõzz

### ■ Mätt'tõõdi da veä'rğğõõlgtõsnee'kk tuärjjõõzz

Pi'rğğeemtuärjjõs

Puõccmõš da lää'mesvuõtt-tuärjjõõzz

Pä'rnnpiârri

Reâugte'mesvuõtt

Säursmâttmõš

Takai jälstemtuärjjõs

Ålggjânmin Lää'ddjânma le'be

Lää'ddjânmost ålggjânmid

Nuõrttsää'mkiõllsaž brosyryid vuäitt pri'nttjed  
nee'ttest adrõõzzâst:

[www.kela.fi/brosyyr](http://www.kela.fi/brosyyr)